

# 5 Bagay ou Dwe Konnen Konsènan Diskriminasyon Entèsèks nan Kad Travay

*Entèsèks se yon mo yo itilize pou dekri moun ki fèt avèk oswa ki devlope karakteristik seksyèl tankou ògan seksyèl yo, òmon yo, anatomi entèn oswa kwomozom yo, ki pa koresponn ak definisyon medikal anatomi seksyèl la oswa kapasite repwodiksyon fi ak gason an. Eske w te konnen, nan nivo nasyonal 74% moun ki entèsèks deklare diskriminasyon gen move enpak sou salè yo oswa posiblite pou yo yo jwenn pwomosyon, epi 84% fè konnen diskriminasyon te anpeche yo anplwaye yo? - Center for American Progress, Oktòb 2021*



**Nan New Jersey, diskriminasyon pa ka anpeche w pwogrese kote w ap travay la.**

Lalwa Kont Diskriminasyon nan New Jersey (Law Against Discrimination, LAD) entèdi diskriminasyon ak asèlman ki baze sou sèks reyèl oswa sèks moun nan jije li genyen, sa ki gen ladan l estati entèsèks la. Li pwoteje w kont diskriminasyon ak asèlman ki baze sou sèks ou te ka jwenn bò kote kòlèg ou yo, sipèvizè w yo, ak patwon w yo.



**Patwon ou nan pa gen dwa pran desizyon sou baz estati entèsèks ou a.**

Sa vle di yon patwon pa ka pran desizyon sou kesyon anplwaye w, revoke w, ba w pwomosyon ak avantaj (sa ki gen ladan l swen sante, konje parantal, konje familyal) sou baz estati entèsèks ou a. Pa egzanp, patwon w nan pa ka entèdi w patisipe totalman nan pwogram asirans sante konpayi a paske ou se yon anplwaye entèsèks.



**Lòt moun pa gen dwa fè w ditò akòz estati entèsèks ou.**

Patwon w nan dwe aji pou l fè sispans asèlman li konnen oswa li ta dwe konnen w ap jwenn si sa ka boulvèse anviwònman travay ou. Asèlman seksyèl ki baze sou prejije gen ladan l, yon konpòtman chokan, malveyan akòz yon moun gen estati entèsèks, tankou si yon kòlèg oswa yon patwon ta fè yon kòmantè pou l denigre moun ki gen estati entèsèks yo.



**Yo dwe trete w yon fason ki montre respè pou idantite w oswa pwofil ou.**

Règleman sou abiman ak prensip patwon an bay konsènan itilizasyon twalèt yo dwe garanti respè idantite seksyèl ou oswa pwofil ou. Pa egzanp, yon anplwaye ki gen estati entèsèks ki prezante tèt li kòm yon gason dwe gen otorizasyon pou l itilize twalèt gason. Ou gen dwa tou pou idantifye w epi pou yo rele w nan non w, nan tit ou, ak nan pwonon w.



**Patwon ou nan pa ka refize ba ou yon sèvis apwopriye paske ou gen estati entèsèks.**

Pa egzanp, yon patwon pa dwe refize ba ou yon orè ki fleksib akòz randevou medikal ou genyen pou tretman fètilité sèlman paske patwon w nan pa kwè moun ki entèsèks yo ta dwe tonbe ansent.

Pou w ka konn plis oswa pou w depeze yon plent, ale sou [NJCivilRights.gov](https://www.njcivilrights.gov) oswa rele nan **1.833.NJDCR4U**



Biwo pwokirè jeneral nan NJ  
[NJCivilRights.gov](https://www.njcivilrights.gov)

 **NJ DIVISION ON CIVIL RIGHTS**  
@CivilRightsNJ #CivilRightsNJ #StopTheHate

